



Til medlemene i Formannskap/økonomiutval

Det vert med dette kalla inn til / gjort kjent med møte i Formannskap/økonomiutval

Møtestad: Møterom 2, Kommunehuset

Dato: 27.03.2014

Tid: 09:00

Dersom De ikkje kan møte, ber ein om at De melder frå til sentralbordet snarast råd.

Møtedagen 27.3.14 begynner med møte i administrasjonsutvalget kl. 08:00 til kl. 09:00

Formannskapet starter kl. 09:00

- Statusorientering frå ordførar/rådmann
- Orientering om prøveordning for snøscooter
- Orientering om Folkehelse
- Orientering om opplevelsesvegen
- Orientering om Århus næringspark

Sakshandsaming frå ca. kl. 10.30

Etter formannskapet, ca. kl. 13.30, er det møte i styringsgruppa for gjennomgang av programområde 1,2,3,4 og 5

- Tema: Programområdet 5

For leiar

Inger J. U. Kåsa

Saksliste

Utvals- saksnr	Innhald	Lukka
Referatsaker		
RS 23/14	Søknad om skuterløyve for å frakte kalk til Havretjønn- Rolleiv Kasland	
RS 24/14	Søknad om skuterløyve - Bjørn Aksel Hjelmtvedt	
RS 25/14	Søknad om snøskuterløyve Skuldalen til Reinart - Olav Kåsa	
RS 26/14	Søknad om scooter løyve - Stian Forberg	
RS 27/14	Søknad om enkeltløyve - Kjetil Simonsen	
Saker til handsaming		
PS 23/14	Etablering av tenestekontor	
PS 24/14	Etablering av natt-teneste i heimetenesta	
PS 25/14	Styrking av helsestasjon -og skulehelseteneste	
PS 26/14	Reduksjon i talet på stillingar innan PO3	
PS 27/14	Vurderinga av dagtilbod	
PS 28/14	Søknad frå Seljord Turlag om tilskot til Bruog tur/sykkelveg ved Slåka	
PS 29/14	Tilskot til løyper, stigar og skilt	
PS 30/14	2/65 - Råmunds veg 3 - Søknad om kjøp av tilleggsareal frå kommunal grunn 2/2	
PS 31/14	Pensjonsordning for folkevalde frå 1.1.2014	

Referatsaker

RS 23/14 Søknad om skuterløyve for å frakte kalk til Havretjønn- Rolleiv Kasland

RS 24/14 Søknad om skuterløyve - Bjørn Aksel Hjelmtvedt

RS 25/14 Søknad om snøskuterløyve Skuldalen til Reinart - Olav Kåsa

RS 26/14 Søknad om scooter løyve - Stian Forberg

RS 27/14 Søknad om enkeltløyve - Kjetil Simonsen

Saker til handsaming

Saker til handsaming

**Saksframlegg**

Utval	Utvalssak	Møtedato
Eldreråd	4/14	24.03.2014
Råd for menneske med nedsett funksjonsevne	4/14	25.03.2014
Administrasjonsutval	5/14	27.03.2014
Formannskap/økonomiutval	23/14	27.03.2014

Etablering av tenestekontor**Saksdokument:****Saksutgreiing:**

I samband med gjennomgang av PO3 vart det sett ned ei arbeidsgruppe som fekk i mandat å utarbeide ein plan for etablering av tenestekontor.

Arbeidsgruppa var samansett av hovudtillitsvalde i Fagforbundet og Norsk sjukepleiarforbund, hovudvernombod, avdelingsleiarane i heimetenesta, på Nesbukti pleie –og omsorgssenter, avdeling for habilitering og rehabilitering (psykisk helse og rus) samt kommunalsjef.

Administrasjonen har tidlegare vurdert etablering av tenestekontor i Seljord kommune, men ein fann ikkje rom for dette på dåverande tidspunkt. Arbeidsgruppa har i si vurdering lagt vekt på det arbeidet som er gjort tidlegare, samt rapporten frå Agenda Kaupang.

Fylgjande ansvarsområde er tenkt lagt til eit ev. tenestekontoret:

- Mottak av søknader om pleie -og omsorgstenester. Dette gjeld søknader om institusjonsplass, plass på bu -og servicesenter og omsorgsbustad, heimesjukpleie og heimhjelp, dagtilbod, tryggleiksalarm, matombringning, støttekontakt, avlastning, omsorgsløn, individuell plan (IP), tenester frå psykisk helse og brukarstyrt personleg assistent (BPA).
- Kartleggingsbesøk
- Sakshandsaming, førebu saker til tiltaksteam.
- Handsaming av klagesaker.
- Vera sjukehusa sitt samarbeidsorgan i samband med melding om utskrivingsklare pasientar med behov for kommunale tenester.
- Følgje opp avtaler mellom helseforetaket og kommunen.
- Vurdering/ evaluering av tenester.
- Vederlagsberekning/ fakturering av tenester
- Koordinering av rehabilitering og habilitering.

- Oppnemning, opplæring og rettleiing av koordinatarar for IP.
- Sentralbordfunksjon, mottak av henvendingar frå samarbeidspartar, brukarar og pårørande.
- Systemansvar for Profil (elektronisk dokumentasjonsprogram).
- IPLOS-rapportering (individbasert pleie og omsorgsstatistikk).
- KOSTRA-rapportering (kommune-stat-rapportering).

Andre oppgåver som kan vera aktuelle:

- Brukarundersøkingar.
- Oppfølging av system for kvalitetssikring, kvalitetskontroll og avvikrapportering.

Arbeidsgruppa legg fylgjande vurdering til grunn for etablering av tenestekontor:

- Ansvar for sakshandsaming vert lagt til færre personar, noko som aukar kompetanse og kvalitet.
- Det vil styrke grunnlaget for objektiv sakshandsaming, ved at den som er sakshandsamar ikkje er den same som er ansvarleg for eller utøver tenestene.
- Eit tenestekontor vil sikre at kommunen har ei koordinerande eining, jamfør Forskrift om habilitering og rehabilitering § 6.
- Frigjerer av tid for avdelingsleiarar (som nå har ansvaret for sakshandsaming).
- Eit tenestekontor vil kunne gje god service for innbyggjarane.

Det er aktuelle å omdisponere fylgjande stillingar for å bemanning av eit tenestekontor:

- | | |
|--|-------------|
| • Sakshandsamar pleie- og omsorgskontoret | 1,0 årsverk |
| • Koordinator rehabilitering/ habilitering | 0,8 årsverk |
| • Systemansvarleg GAT, Profil m.m. | 0,2 årsverk |
| • Heimetenesta avdelingsleiar | 0,4 årsverk |
| • Heimeteneste sjukepleiar | 0,4 årsverk |

Denne måten å organisere tenestene på vil føre til at det blir *ein* leiar i heimetenesta i staden for to, slik det er nå. Agenda Kaupang rapporten seier om dagens organisering at "All erfaring og forskning tilsier at en slik deling ikkje er å andefale, verken i forhold til de som skal ledes, eller i forhold til å sikre effektiv drift og ivareta organisasjonens behov for ledelse".

Endringa vil føre til ein reduksjon i operative sjukepleieressursar i heimetenesta tilsvarende 0,8 årsverk. Rapportering frå heimetenesta over tid, samt rapporten frå Agenda Kaupang peikar på eit behov for å styrke heimetenesta, det vil derfor vera urimeleg å redusere bemanninga. Dette kan løysast ved å overføre 0,8 årsverk frå Nesbukti pleie –og omsorgssenter til heimetenesta.

Rådmannen si tilråding:

I samband med gjennomgang av PO3, vert ressursar innan pleie –og omsorg nytta til å etablert tenestekontor, slik det går fram av saksutgreiinga.

Ein reduksjon i operative sjukepleieressursar i heimetenesta tilsvarende 0,8 årsverk, vert erstatta ved å overføre 0,8 årsverk frå Nesbukti pleie –og omsorgssenter.

Utskrift til:

**Saksframlegg**

Utval	Utvalssak	Møtedato
Eldreråd	3/14	24.03.2014
Råd for menneske med nedsett funksjonsevne	3/14	25.03.2014
Administrasjonsutval	6/14	27.03.2014
Formannskap/økonomiutval	24/14	27.03.2014

Etablering av natt-teneste i heimetenesta**Saksdokument:****Saksutgreiing:**

I samband med gjennomgang av PO3 vart det sett ned ei arbeidsgruppe som fekk i mandat å utarbeide ein plan for etablering av natt-teneste i heimetenesta.

Arbeidsgruppa var samansett av hovudtillitsvalde i Fagforbundet og Norsk sjukepleiarforbund, hovudvernombod, avdelingsleiarane i heimetenesta, på Nesbukti pleie –og omsorgssenter, avdeling for habilitering og rehabilitering (psykisk helse og rus) samt kommunalsjef.

Arbeidsgruppa byggjer på rapporten frå Agenda Kaupang som peikar på at natt-teneste er ein føresetnad for å kunne ha ei god utnytting av kompetansen i heimetenesta og er avgjerande for at hjelpetrengjande skal kunne bu lenger heime, og på den måten redusere behovet for sjukeheimsplassar. Kommunen har i dag ei vaktordning i heimetenesta som sikrar utrykking ved bruk av tryggleiksalarm, dette er ei ordning som ikkje er tilfredsstillande.

Arbeidsgruppa har lagt vekt på fylgjande i si vurdering:

Aktiv natt-teneste i heimetenesta vil

- utsetje/ redusere behovet for institusjonsopphald
- sikre døgntilgjengeleg behandling og pleie i heimen
- gje avlasting til nære pårørande
- gje meir individuell tilpassa teneste (tidspunkt for å leggje seg og å stå opp vil bli meir fleksibelt)
- leggje til rette for enklare å rehabilitere etter institusjonsopphald
- gje tryggleik for pasient og ev. pårørande
- lette presset på heimeteneste på kveldsvakt og fyrste del av dagvakt.

- betre utnytting av personell ressursar (kvilande nattevakt bind opp 10 timar, og reduserer derfor den tida den tilsette er til disposisjon, før og etter vakta).

For å bemanne ei aktiv natt-teneste trengs det 1, 8 årsverk. Av turnustekniske årsaker må ressursen delast på 3 tilsette. Arbeidsgruppa har konkludert med at fylgjande årsverk kan omdisponerst til natt-teneste:

- Nåverande ordning 0, 5 årsverk
- Heimehjelp 0, 6 årsverk
- Psykisk helse 0, 5 årsverk
- Nesbukti pleie- og omsorgssenter 0, 2 årsverk

Arbeidsgruppa har drøfta konsekvensen av denne omdisponeringa, og sluttar seg til rapporten frå Agenda Kaupang som seier at kommunen har relativt god bemanning innan psykisk helse, og bør omdisponere bemanninga til psykisk sjuke, slik at det vert gjeve tilbod utover dagtid. Det kjem også fram av rapporten at det er rom for å omdisponere heimehjelp til heimesjukepleie.

Arbeidsgruppa finn det hensiktsmessig at natt-tenesta har base på Nesbukti pleie- og omsorgssenter, dette vil leggje til rette for fleksibel bruk av ressursane og gje ein fagleg og personellmessig tilhøyrrighet.

Rådmannen si tilråding:

Det vert etablert aktiv natt-teneste i heimetenesta ved å omdisponere eksisterande ressursar innan PO3.

Heimelsgrunnlaget er krav er off. godkjent sjukepleiar.

Utskrift til:

**Saksframlegg**

Utval	Utvalssak	Møtedato
Formannskap/økonomiutval	25/14	27.03.2014
Kommunestyret		03.04.2014

Styrking av helsestasjon -og skulehelseteneste**Saksdokument:****Saksutgreiing:**

På bakgrunn av behov for styrking av helsestasjon –og skulehelseteneste på nasjonalt nivå, vart rammetilskotet til kommunane auka i 2014. På landsbasis utgjorde dette ein vekst på kr. 180 mill. i frie inntekter. For Seljord kommune sitt vedkomande utgjorde styrkinga kr 100 000. Dette er ei varig auke av rammetilskotet, som vil bli justert etter lønns –og prisvekst.

Det er ynskjeleg å styrke helsestasjonstenesta med ei 20% stilling, d.v.s. ein dag per veke. Lønnskostnader vil utgjere om lag kr 120 000, det må i tillegg påreknas noko kostnader til køyregodtgjersle, mobiltelefon m.m. Kostnadene vil bli dekt av rammetilskotet i 2014. Frie inntekter på kr 100 000 er lagt inn i langtidsbudsjettet, kostnader utover dette vert lagt inn i rådmannen sitt framlegg til budsjett for 2015 og vidareført i økonomiplanperioden.

Rådmannen si tilråding:

Det vert oppretta 20% stilling til styrking av helsestasjon –og skulehelseteneste. Kostnader utover rammetilskotet vert lagt inn i budsjettet for 2015 og vidare i økonomiplanperioden.

Utskrift til:

**Saksframlegg**

Utval	Utvalssak	Møtedato
Eldreråd	5/14	24.03.2014
Råd for menneske med nedsett funksjonsevne	6/14	25.03.2014
Administrasjonsutval	7/14	27.03.2014
Formannskap/økonomiutval	26/14	27.03.2014
Kommunestyret		03.04.2014

Reduksjon i talet på stillingar innan PO3**Saksdokument:****Saksutgreiing:**

I samband med gjennomgang av PO3 vart det sett ned ei arbeidsgruppe som fekk i mandat å utarbeide ein plan for reduksjon av driftskostnader relatert til lønn.

Arbeidsgruppa var samansett av hovudtillitsvalde i Fagforbundet og Norsk sjukepleiarforbund, hovudvernombod, avdelingsleiarane innan pleie –og omsorg (med unntak av bu- og servicesentra) samt personalsjef og kommunalsjef.

Arbeidsgruppa la vurdering av Agenda Kaupang rapporten til grunn for arbeidet. Rapporten peikar særskilt på tre område med grunnlag for innsparing, det er psykisk helse, teneste for funksjonshemma og Nesbuki pleie –og omsorgssenter. Agenda Kaupang trekkjer sin konklusjon på grunnlag av KOSTRA-tal frå det som vert definert som samanliknbare kommunar. Konklusjonen når det gjeld Nesbuki pleie –og omsorgssenter byggjer på at pasientgrunnlaget er 29 pasientar, i realiteten er det svært skjeldan at talet er så lågt, i lange periodar er talet på pasientar oppe i 31 og 32. Det er derfor vanskeleg å la tala i rapporten vera styrande for bemanninga.

Arbeidsgruppa har så langt kome fram til reduksjon og omdisponering av fylgjande faste stillingar:

Nesbuki plei –og omsorgssenter	4,8 årsverk
Psykisk helse	0,5 årsverk
Heimehjelp	0,6 årsverk
Teneste for funksjonshemma	0,8 årsverk
Totalt	6,7 årsverk

Gjennomsnittleg kostnad per årsverk er rekna å vera om lag kr. 500 000.

Av dette vert 1 årsverk omdisponert frå Nesbukti pleie –og omsorgssenter til heimetenesta som fylgje av etablering av tenestekontor og natt-teneste. Reduksjon på 0,5 årsverk i psykisk helse vert nytta til natt-teneste, det same gjeld 0,6 årsverk heimehjelp.

Reduksjonen i faste stillingar vil føre til eit auka vikarbehov, dette gjeld særleg på Nesbukti pleie –og omsorgssenter. Pasientgrunnlaget er ein viktig faktor for i kor stor grad det vert nytta vikarar/ekstravakt/overtid. Både talet på pasientar, og ikkje minst kompleksiteten og utfordringar relatert til pasientgruppa har betydning for kva som kan akseptast som minimum bemanning.

Slik situasjonen er i dag, er det urealistisk å føreslå ein reduksjon i bemanninga på Nesbukti pleie –og omsorgssenter utan å kompensere for dette med eit auka vikarbudsjett. Det er berekna ei auke i variabel lønn (vikarbudsjett) på om lag kr 1,1 mill. som fylgje av reduksjon i faste stillingar.

Den føreslegne reduksjon i faste stillingar vil føre til at det vert fleire små stillingar som det er vanskeleg å rekruttere til, i tillegg er det grunn til å forvente at det blir problem med å dekke vikarbehovet.

Rådmannen si tilråding:

Fylgjande årsverk vert disponert til omorganisering og innsparing:

Etablering av tenestekontor og natt-teneste 2,1 årsverk

Reduksjon i faste stillingar 4,6 årsverk

Det vert budsjettert med auka vikarbudsjett på omlag 1,1 mill. i samband med budsjett 2015 og vidare i økonomiplanperioden.

Utskrift til:

**Saksframlegg**

Utval	Utvalssak	Møtedato
Råd for menneske med nedsett funksjonsevne	5/14	25.03.2014
Formannskap/økonomiutval	27/14	27.03.2014

Vurderinga av dagtilbod**Saksdokument:****Saksutgreiing:**

Seljord kommune fekk ansvar for 3 nye brukarar frå 01.08.13, brukarar med behov for eit bemanna butilbod og dagaktivitet. Samstundes sa Seljord kommune opp avtale med Kviteseid skule/ dagsenter og Kvito, der kommunen hadde ei avtale for 5 brukarar (3 på skule/ dagsenter og 2 på Kvito).

I eigarskapsmedlinga til Seljord Personal (SP) står det at selskapet skal tilby VTA-plassar (varig tilrettelagt arbeid). Kommunen var tidleg i dialog med SP for å avklare om dei kunne etablere eit tilbod til 5 av brukarane, SP sa ja til dette.

SP signaliserte tidleg at det var behov for bemanning utover ordinær VTA bemanning. Seljord kommune imøtekom dette ved å finansiere ei 80% stilling. SP meinte at dette ikkje var nok, og behovet vart imøtecome ved at tilsette frå Heddelitunet var med brukarane på SP. Ei ordning som tilsvara 80% stilling, og som fyrst vart avtalt fram til 31.12.13, deretter til 01.08.14.

Det har vore gjentekne møte, der det frå SP si side har vore kravd meir ressursar og der det har blitt gjeve uttrykk for at dersom det ikkje blir varig avtale om tilstrekkeleg med ressursar, så kan ikkje SP ha dei tyngste brukarane, og at Seljord kommune då må sjå seg om etter eit alternativ. SP har også uttrykt uro for dei økonomiske konsekvensane det vil få for selskapet, dersom kommunen tek deltakarar ut av SP.

Det vart sett ned ei arbeidsgruppe med tilsette frå SP og tilsette frå Seljord kommune/ Heddelitunet, som skulle vurdere tilbodet ved SP.

Rapporten frå arbeidsgruppa seier at bemanninga på SP må styrkast med 2,2 årsverk utover det som ligg inne i økonomiplanperioden. Det ville ha utgjort ein meirkostnad for Seljord kommune på om lag kr 1 100 000 per år.

Som ein konsekvens av dette byrja Seljord kommune å vurdere å etablere eit alternativt tilbod til SP.

I den vidare dialogen med SP har Seljord kommune signalisert at kommunen vurderer å gje eit tilbod om kommunalt dagsenter til nokre av brukarane. Seljord kommune vil kunne ha eit dagsentertilbod til brukargruppa med mindre ressursar enn det SP treng, fordi arenaen på SP er lite tilpassa den aktuelle gruppa og fordi kommunen vil ha ein gevinst ved at fleire brukarar er lokalisert til same tilbodet.

Dersom Seljord kommune skal ha eit dagsentertilbod til dei aktuelle brukarane, vil dette vera mogeleg ved å omdisponere midlar innanfor budsjetttramma i økonomiplanperioden.

Det er vurdert å leige areal ved DPS-Seljord. Det har vore ei synfaring der, og kommunen ventar på eit tilbod. Sykehuset Telemark har informert kommunen om at sjølvkostprinsippet vil bli lagt til grunn for fastsetjing av leigesummen.

Rådmannen si tilråding:

Administrasjonen arbeider vidare med å etablere eit dagsentertilbod til den aktuelle brukargruppa innanfor vedteken budsjetttramme, med forventa oppstart 01.08.14.

Utskrift til:

**Saksframlegg**

Utval	Utvalssak	Møtedato
Formannskap/økonomiutval	28/14	27.03.2014

Søknad frå Seljord Turlag om tilskot til Bru og tur/sykkelveg ved Slåka.**Saksdokument:****Vedlegg:**

- 1 Søknad frå Seljord Turlag om tilskot til bu og tur-/sykkelsti ved Slåka

Saksutgreiing:

Seljord turlag søker Seljord kommune om kr 35.000 i tilskott for å bygge bru over Grunnåi ved Slåkåvatnet, samt å byggje sykkel-/ turveg mellom brua og Slåkåvegen. Seljord turlag samarbeider med Notodden turlag (Hjartdal) og Telemark Turistforeining om prosjektet. Turlaget er i ferd med å innhente ei tinglyst avtale med sameige for området dei skal etablere turveg og bru. Heile prosjektet har ei kostnad på kr 285.000,-.

Sjølve området der turvegen og brua skal etablerast ligg i Hjartdal kommune, men ein turveg og sykkelveg som binder Seljord og Sauland saman gjennom Grunningsdalen og Slåkadalen vil vera viktig for Seljord og reiselivsnæringane her.

Aktivitetsferier blir meir og meir populært, prosjekt for å få fleire tilrettelagde sykkelvegane er det fleire av i området, til dømes prosjekt som Telemarkskanalen og RV 41. Det at Seljord får ein god og trafiksikker sykkelveg austover mot Sauland, Tuddal, Rjukan og Gvepseborg gjennom Grunningsdalen gjer at det kan satsast vidare på t.d. sykkelsturisme som fleire av reiselivsnæringane i Seljord er opptatt av.

Turlaget søker Hjartdal kommune og Seljord kommune om totalt 35.000 kvar, Seljord og Hjartdal Turlag 25.000 kvar, Sparebankstiftinga 100.000 og andre 65.000.

Vurdering

Rådmannen meiner at ein bru over Grunnåi ved Slåkåvatnet, vil vera veldig bra for Seljord og Sauland. Ein turveg/plankebru til tørt land, og som knyter Grunningsdalsvegen og Slåkåvegen saman for syklistar og aukar tilgjengelegheita mellom Lifjell området og Mælefjell for turgåarar er viktig både for å auke kommunens attraktivitet som reisemål, men og for Seljord befolkning. Eit lett tilgjengeleg lågterskeltilbod, gir gode folkehelse gevinstar for alle som bur i og besøker Seljord. Auka tilkomst til fjellet både for gåande og syklende er viktig for reiseliv-, handel- og serviceverksemdene i kommunen, og bør difor kunne definerast å vera næringsformål. Ut ifrå eit beredskapsomsyn vil det og ved eventuelle redningsaksjoner i område ved Mælefjell vere viktig med ei bru over Grunnåi.

Rådmannen si tilråding:

Rådmannen rår formannskapet til gjere følgjande vedtak;
Formannskapet løyver kr 35.000,- til Seljord turlag for bygging av bru over Grunnåi ved Slåkåvatnet, samt bygge plankebru over dei våte partia mellom brua og Slåkåvegen. Løyvinga er av Næringsfond.

Utskrift til:
Seljord Turlag



Seljord Turlag
Hanne Kåsen
Åslandsvegen 10
3841 Flatdal

Seljord 12.mars 2014

Til Seljord kommune
Hjartdal kommune

Søknad om tilskott – Bru og tur-/sykkelstig ved Slåka

Seljord turlag søker med dette kommunane Hjartdal og Seljord om kr 35.000 kvar, for å byggje ei bru over Grunnåi ved Slåkavatnet og å bygge sykkel-/ turstig frå brui og fram til hyttefeltet Slåkivatnet.

Seljord turlag, som samarbeider med Notodden Turlag (Hjartdal) og Telemark Turistforening. Er nystarta og som vårt fyrste store prosjekt ser me det som viktig å kunne bygge saman fjellområda Lifjell og Mælefjell som eit felles turområde, og Grunningsdalsvegen (frå Seljord) og Slåkavegen (frå Sauland) ved Slåkavatnet som tur- og sykkelveg. Dette vil Turlaget gjøre ved å bygge ein gangbru over Grunnåi, ved enden av vegen/utløpet av Slåkavatnet og byggje tur-/ sykkelveg over myra fram til Østre Slåkja.

Seljord Turlag vil trur at det å ha ein god og trygg sykkelveg gjennom Grunningsdalen, som kan knytte Vest-Telemark Sauland – Tuddal – Rjukan saman vil vera med på å gjere området meir attraktivt og vera bra for det lokale reiseliv . Tilrettelagte lågterskel aktiviteter som gode sykkelveggar og turstigar er viktig i den nasjonal reiselivssatsing. Å knytte saman turområda på og rundt Lifjell og Mælefjell/ Heksefjell tur vi og vil kunne gjere områda meir attraktivt for turbrukar og hyttefolk.


Prosjektet er kostnadsrekna til om lag kr 285.000, der bru med tilknytingsveggar vil koste kr 150.000, turveg med plankebruar over myra for omlag kr 95.000 og nye skilt/merking/ infotavler i området kr 40.000.

Bakgrunn

Det har frå gammalt av vore ferdselsveg frå Seljord og austover gjennom Grunningsdalen forbi Slåkavatnet til Sauland, i 1848 blei t.d. søknad om handelsløyve i Seljord avslått av kongen på grunn av "at det berre var 10 mile til Kongsberg, gjennom Grunningsdalen".

Tidlegare var det bru over Grunnåi og det var moglegheit til å ferdes langs Slåkavatnet. Men nå, etter at brui falt saman for mange år sida er vanskeleg å krysse åi på sommartid, spesielt når det er mykje vatn og umogleg utan å måtte vasse og krysse ei våt myr.

Dette gjer det vanskeleg for dei som har hytter i Grunningsdalen eller køyer opp denne vegen å bruke turområda nord for åi (Mælefjell, Heksefjell) og dei som bur i hytteområda eller kjem langs Slåkavegen og bruke Lifjellområdet. Samt for dei som ynskjer å vandre på mellom fjellområda.



Prosjektet langs Slåkvatnet, grønt bru, rødt turveg og blå strekk er sykkelstigen.


For syklistar vil det å kunne komme greitt forbi Slåkvatnet tørrskodd på ein enkel bru/ sykkelveg og utan å måtte slite med sykkel over åi og myra lett områdets aktualitet og tilgjengelegheit.

Som ein sykkelveg som kan merkast/ marknadsførast vil denne satsingar knytte andre sykkelveg prosjekt som RV 41 –prosjekt og langs Telemarkkanalen i vest, med Sauland- Tuddal- Rjukan- Hardangervidda --

Områdane blir meir og meir nytta som turområder, turfolk byggjar hytter i områdene, og aktivitetsferier blir meir og meir populært så gode varierte turstigar blir viktig.

Sykkelturistane er ein stadig vaksande gruppe, med ein god sykkelveg utanfor stamvegane, som kan brukast til dagstur eller rundtur eller vil vera med på å auke distriktets attraksjon.

Sykkelturister vil kunne vera viktige kundar for overnattings og serviceverksemdene som kan satse på slik som Gjestegarden Nordigard Bjørge, Seljord og Løvheim Hotell, Sauland.




Slåkavatnet ligger midt mellom Seljord og Sauland om lag 14 km frå E134 på kvar side og vil binde desse områda saman med bru og turveg..

Fjellområda Lifjell og Mælefjell er populære og flotte turområder som berre er delt med Grunningsdalen, og dei siste åra har det ikkje vore mogleg å krysse åi tørrskodd for brui er men er delt og adskilt av Grunnåi frå Reinstaul til Slåkavatnet. Frå Seljord gjennom Grunningstalen til Slåka er det og bilveg. Frå Sauland til Slåkavatnet er det og veg. Slåkahyttegrend som ligger aust for Slåkavatnet.

Vest for Slåkavatnet i Grunningsdalen ligger det fleire hytter og hyttefeltet Grimås. et er mang turstigar i området, men då det er vanskeleg å krysse Grunnåi har dette ikkje vore noko naturlege utgangspunkt for turar på andre sida av åi.

Det er ynskjeleg å byggje ein god solid trebru der den gamle brui låg, brui vil få eit spenn på 7 over åi og ein total lengde på 11 m.



Tenkt bru over Grunnåi ved Slåkavatnet, Olav Reinstaul/ Nils Tore Haugland

Turvegen frå brui og austover til Slåkavegen over myri kan vera plankebruar over dei våtaste partia og utbetringar av den gamle staulavegen/ traktorvegen slik at denne kan syklast. Blir det mogleg økonomisk vil ein søke å bygge turveg over myra med høgare kvalitet enten med seksjonar/matter eller med flis.

Turstigane i område vil bli skilta på nytt og knytt saman, m.a. stigen opp Lonadalen til Mælefjell og Blåttjønnfjell som er mangelfult merka. Det vil bli sett opp informasjonstavler og stigane lagt inn digitalt på relevante sider. All merking vil vera etter nasjonal standard j.f. den nye Merkehandboka.

Drift

Det er Seljord turlag som er ansvarleg for brui, turstigar/-vegar vil vera i eit samarbeid med Notodden turlag og lokale interessentar. Turlaget vil inngå avtalar for ettersyn og vedlikehald primært som ein "fadderordning".

Grunneigar

Det er eit sameige som eig området der bru og turvegen vil byggjast. Deira signal er veldig positive, alt arbeid vil for utsettar tinglyst avtale mellom Turlaget og grunneigaren. Avtale forventast inngått i løpet av februar/ mars 2014.

Tidsplan (underføresetnad av finansiering og avtale)

Mai/ juni 2014 Bygging av bru
Juni – oktober 2014 Arbeid med turvegen over myri

Budsjett

KOSTNADAR

Bru med tilknytingsvegar	kr 150.000	
300 m plankebru over myr, opprusting av staulsveg	kr 95.000	
Skilt/merking/ infotavler	kr 40.000	= 285.000
(Summane er inkl. mva.)		

FINANSIERING

Seljord kommune	kr 35.000	
Hjartdal kommune	kr 35.000	
Sparebankstiftelsen	kr 100.000	
Notodden Turlag	kr 25.000	
Seljord turlag	kr 25.000	
Andre	kr 65.000	= 285.000

Prosjektleiing / Kontaktperson:

Seljord Turlag er prosjekteigar, prosjektleiar er Asbjørn Storrusten.

Asbjørn er ein erfaren prosjektleiar, han er Kultur - og næringssjef i Seljord kommune.

E-post asbjorn@kharna.no - tlf 917 96 785

For Seljord turlag

Hanne Kåsen



Seljord kommune

Kultur og næring

Arkiv: U01
Saksnr.: 2014/546-1
Sakshand.: Asbjørn Storrusten
Direkte tlf.: 35065155
Dato: 17.03.2014

Saksframlegg

Utval	Utvalssak	Møtedato
Formannskap/økonomiutval	29/14	27.03.2014

Tilskot til løyper, stigar og skilt 2014

Saksdokument:

Saksutgreiing:

Seljord kommune har kvart år løyva nokon midlar, frå driftsbudsjettet, til løypekøyning, turvegar og til skilting av desse.

Det kjørast skiløyper, med litt støtte av kommunen, i områda Raudkleiv, Kivledalen- Lomma, Grimås- Hollane, Flatdal lysløype, Svartdalsheii, Heiåi/ Småtjønn/ Svain, Åmotsdal lysløype, Kvambekkheii/ Angre/ Rust /Kvanntjørndalen (43 km).

Skilter og kart er med på å gjere turvegar trygge og god skilting er nå krav for mange turgåarar. Gode turstigar, skiløyper og kart er med på å gjere vår natur interessant, det er t.d. liten hyttebygging i områder utan gode og sikre skiløyper.

Kommunen har i år slutta seg til Telemark fylkeskommune / Telemark Turistforening sitt skiltprosjekt "Løypedugnad i Telemark". I dette prosjektet vil fylkeskommunen finansierer 25 % av alle kostandar med skilting av turvegar, Gjensidigestiftinga koste 50 % mot at kommunen kostar 25%.

Administrasjonen meiner at gode sikre løyper og stigar ikkje berre er viktig i ein folkehelse-samanheng, men er viktig for reislivet / handelsnæringa/ byggenæringar og annan service næring.

Det er fleir enn 1400 hytter i kommunen og så hytte/ besøksnæringa er det er stor og viktig for Seljord, ved å gi m.a. hyttefolket gode forhold så blir dei kanskje ein dag ekstra .

I 2013 løyvde kommunen kr 44.000 i tilskot til løypekjøring, i år er det kome ein søknad frå Grimås hytteforening om å støtte oppkjøring av skiløype til Grimås - Hollane.

Administrasjonen ber om fullmakt til å få bruke inntil kr 75.000 av Næringsfond til å støtte løypekjøring, skilting og utvikle fleire enkle turkart.

Rådmannen vurderer løypekjøring, godt skilt turvegar /-stigar som viktig for næringslivet i kommunen og at dette er innanfor defineringa næringsformål for bruk av Næringsfond.

Rådmannen si tilråding:

Rådmannen tilrår formannskapet gjere følgjande vedtak.

Administrasjonen får fullmakt til å bruke inntil kr 75.000 av Næringsfond til å støtte løypekjøring, etter enkelt søknadar og skilting gjennom m.a. prosjekt "Løypedugnad Telemark" for 2014.

**Saksframlegg**

Utval	Utvalssak	Møtedato
Formannskap/økonomiutval	30/14	27.03.2014

2/65 - Råmunds veg 3 - Søknad om kjøp av tilleggsareal frå kommunal grunn 2/2

Saksdokument: Søknad om kjøp av tilleggsareal til 2/65 motteke den 14.02.14

Saksutgreiing:

Eigar av gnr. 2, bnr. 65, Tor Rune Pedersen søker om å kjøpe eit areal på 343 kvm frå kommunens grunn gnr. 2, bnr. 2 i Trongkleiv. Totalareal på tomta vil etter justering bli 1311 kvm. Søkjaren har oppfatta seg sjølv som eigar av arealet etter at det tidlegare vart gjort nokre tomtejusteringar i området. Han viser til at dette også går fram av kommunens kart over tomta. Etter samtaler med kommunen i samband med bygging av garasje vart han gjort kjent med at han ikkje eigde arealet likevel. Han ynskjer nå å kjøpe arealet for tidlegare avtalt pris som var 20 kr pr. kvm.

Saka om kjøp av tilleggsareal som det her vert referert til strekkjer seg tilbake til 2005. Saman med eigar av 2/76 fekk søkjaren tilbod om å kjøpe eit tilleggsareal på 343 kvm til ein pris av kr. 20 pr. kvm pluss omkostningar den 08.06.05. Det vart halde kart- og oppmålings-forretning over tomtene den 24.06.05 og målebrev vart utarbeida. Rekning vart så sendt ut den 22.08.05 men vart av ukjent grunn ikkje betalt. Saka vart trekt tilbake etter at kommunen ikkje fekk tilbakemelding på brev sendt den 22.12.2005.

Kommunen har ein praksis der eigedomsgrenser vert lagt inn i det digitale eigedomskartet når tomtene er ferdig oppmålt uavhengig om rekning for arbeidet er betalt eller ikkje. I dei aller fleste tilfella er det ikkje knytt problem til dette, men når rekning ikkje vert betalt vert saka trekt tilbake og grensene blir fjerna frå kartet. Dette har då ved ein glipp ikkje skjedd i dette tilfelle og grensene har sidan 2005 blitt vist feil for denne tomta.

Administrasjon ser ikkje noko problem med å tilby arealet til søkjaren då det i dag er ein naturleg del av tomta hans. Ein er likevel av den oppfatninga at ein må bruke dagens sats på tilleggsareal som er 100 kr pr. kvm pluss omkostningar. Grunngeving er at søkjaren fekk fleire høve til å ordna opp i 2005, men valde då ikkje takke ja til det tilbodet.

Rådmannen si tilråding:

Rådmannen rår formannskapet til å gjere fylgjande vedtak:

Formannskapet tilbyr Tor Rune Pedersen å kjøpe eit areal på ca. 343 kvm til ein pris av kr 100 pr kvm. Grunngevinga for ikkje å imøtekome søkjaren om ein kvm pris på 20 kr er at saka vart trekt tilbake i 2005 og må sjåast på i lys av dagens prissatsar som vart vedtekne den 14.02.2013

Saka må handsamast etter reglane i plan- og bygningslova.

Utskrift til:

Tor Rune Pedersen, Råmundsveg 3, 3840 Seljord

**Saksframlegg**

Utval	Utvalssak	Møtedato
Formannskap/økonomiutval	31/14	27.03.2014

Pensjonsordning for folkevalde frå 1.1.2014**Saksdokument:**

Ingen

Saksutgreiing:

Folkevalde i kommunar og fylkeskommunar er i dag tilslutta *Pensjonsordninga for folkevalde*. Denne svarar til kommunen si pensjonsordning for tilsette, men med særskilte reglar som berre gjeld folkevalde. Kravet til full oppteningstid er 16 år, og pensjonsalder er 65 år.

Frå 1.1.2014 vart dagens pensjonsordning avvika, og vi må difor velje ny pensjonsløyising for folkevalde. Grunnen til omlegginga er endringar i forskrift om pensjonsordningar for folkevalde frå 1.1.2014.

I Seljord kommune er det ordførar som er knytt til pensjonsordninga for folkevalde.

Kommunestyret må no ta stilling til følgjande spørsmål:

- Skal kommunen framleis ha pensjonsordning for folkevalde?
- Kva for ordning skal kommunen eventuelt ha?
- Skal ordninga også omfatte folkevalde med mindre enn 1/3 av full godtgjering (eventuell lågare innmeldingsgrense må vedtakast særskilt av kommunen)?
- Skal folkevalde ha rett til AFP frå 62 år (må vedtakast særskilt av kommunen, og finansiering blir som for tilsette)? Dette er berre aktuelt dersom kommunen vel at folkevalde skal inn i den ordinære ordninga for tilsette.

Dersom kommunen vel å ha ei pensjonsordning for folkevalde, kan vi velje mellom to alternative ordningar:

1. Innmelding i den ordinære pensjonsordninga på line med dei tilsette i kommunen med enkelte tilpassingar.
 - Etter endringane i forskrifta er det no høve til å melde dei folkevalde inn i den ordinære pensjonsordninga for kommunen sine tilsette med same pensjonsreglar som for desse, men med nokre få særreglar.
 - Uføre- og etterlatteytningar blir som for tilsette.
2. Oppretting av ei ordning på line med stortingsrepresentantar.
 - Alternativt kan kommunen velje at folkevalde skal meldast inn i ei særskilt pensjonsordning etter mønster av den nye pensjonsordninga for stortingsrepresentantar og regjeringsmedlemmar. Denne ordninga er ei ny særordning, og det er stilt krav om at eit stort nok tal kommunar vel dette alternativet for at det i det heile skal vere aktuelt å opprette ei slik ordning.

- Alderspensjonen i denne ordninga vil vere ei netto årleg yting.
- Uføre- og etterlatteytingar blir som for tilsette.

Kommunen må altså velje mellom desse to ordningane eller vi må velje at kommunen ikkje skal ha pensjonsordning for folkevalde. Fristen for å velje løysing er sett til 1.4.2014, og valet får verknad frå 1.1.2014. Inntil vidare er alle aktive medlemmar i den "gamle" pensjonsordninga for folkevalde meldte inn i *Fellesordninga for kommunar og bedrifter*, dvs. den ordinære ordninga for tilsette. KLP tilrår at valet av ordning vert gjort i eit langsiktig perspektiv, dvs. at det blir lite aktuelt å endre valet av ordning i ettertid ut frå kven som til ei kvar tid er folkevald.

Vurdering:

KLP har laga ei oversikt med samanlikning og ein enkel analyse av dei to aktuelle ordningane:

	Mal etter kommunetilsette si ordning	Mal etter stortingsordning
Kva er billigast for kommunen?	BILLIGAST Det er gjennomsnittet i det totale fellesskapet som avgjer premien i kollektive forsikringsordningar. Folkevalde utgjer ei dyrare gruppe (høgare løn og høgare alder) enn gjennomsnittet i fellesordninga for dei kommunetilsette. Fordi premien blir utjamna saman med dei tilsette i kommunen, vil det vere billigast å melde folkevalde inn i fellesordninga.	Folkevalde utgjer ei dyrare gruppe (høgare løn og høgare alder) enn gjennomsnittet i fellesordninga for dei kommunetilsette. Trass i at ei dårlegare yting normalt ville ha vore billigare (gitt alt anna likt), vert dette vege opp av at denne ordninga vil ha eit fellesskap som berre er samansett av folkevalde.
Kva lønar seg for folkevalde?	MEST LØNSAMT Rekneeksempel KLP har gjort viser at fellesordninga vil vere mest lønsam for dei aller fleste.	I dei tilfella at folkevalde allereie har full opptening i OfTP, og avsluttar karrieren som tilsett i offentlig sektor, vil stortingsordninga løne seg. Det er fordi dette er ei netto ordning som kjem i tillegg til opptening i OfTP.
Mogleg med AFP?	JA Aldersgrensa bli 70 år i ny ordning (mot tidlegare 65 år). Som for alle andre i kommunen vil det vere mogleg å gå av med pensjon ved 65 år. Kommunen kan for folkevald inngå avtale om AFP frå 62 til 65 år.	NEI Men mogleg å ta ut fleksibel alderspensjon som i Folketrygda (med lågare årleg pensjon ved tidleg uttak).

(OfTP = offentlig tenestepensjon)

Rådmannsutvalet i regionen har drøfta saka med sikte på å gjere framlegg om lik ordning for kommunane i regionen. Utvalet var samde om å tilrå alternativ 1, slik at ordførar vert del av den ordinære ordninga som gjeld for alle tilsette i kommunen.

Bakgrunnen for dette er både å velje ei ordning som er økonomisk gunstig for kommunen, men også at det ikkje er vurdert som nødvendig å opprette ei særordning for ordføraren når vi kan

nytte ei ordning som kommunen alt har. Det er også knytt usikkerheit til om den særskilte ordninga faktisk vil bli oppretta, då det krev at mange kommunar gjer dette valet.

Det er i dag ikkje heilt klart kva dei to ulike modellane vil koste for kommunen. Men vi har stipulert at ordninga etter alternativ 1 vil bli noko rimelegare enn den ordninga som blei avvikla ved nyttår. For ordninga etter alternativ 2 er premiane enno ikkje lagt fram, då dette vil avhenge av kven som går inn i ordninga. Etter KLP si vurdering, vil ordninga etter alternativ 2 bli dyrare for kommunen enn ordninga etter alternativ 1 (sjå tabellen over). Premien blir rekna ut frå gjennomsnittet i det totale fellesskapet i kollektiv pensjonsordning, og fordi premien blir jamna ut saman med kommunalt tilsette, vil det vera billigast for kommunen å melde folkevalde inn i ordninga for kommunetilsette.

Når det gjeld særleg avtale om AFP for folkevalde mellom 62 og 65 år, kan dette synast å vere mindre aktuelt, sidan folkevalde uansett er vald for ein avgrensa periode. Men for ein ordførar som avsluttar ordførarvervet sitt medan han er mellom 62 og 65 år, kanskje etter fleire periodar som ordførar, vil dette kunne ha mykje å seie, då tidlegare ordning med venteløn er avvikla.

Det er normalt ei nedre grense for innmelding i pensjonsordninga for folkevalde på 1/3 av full godtgjersle for høgast betalte heiltidspolitikar. Det er dermed normalt berre ordførar som er meldt inn i ordninga i kommunar som vår.

Rådmannen si anbefaling:

Rådmannen anbefaler at pensjonsordning for folkevalde blir likestilt med pensjonsordning for andre tilsette i kommunen, altså tilbod om både alders- og avtalefesta pensjon.

Rådmannen si tilråding:

Saka blir lagt fram utan tilråding.

Utskrift til: